

مجموعہ ابوالضیا

ماسوا غائبہ سندن دلی تطہیرہ بحالش
پرتو حکمت و عرفان ایلا تنویرہ آالش

علوم و معارف دین بحث ایدرہ و ہرماہ ہری ابتدائیلہ اون ہشتندہ نشر اولنور مجموعہ فنوندرہ

نومرو ۱۷ - جلد ۲ [فی ۱۵ جمادی الاول سنہ ۱۲۹۸] نسخہ سی ۳ فروش

مصوغه موجود اولسندن مشار الیه مخصوص بر (دو کم خانه) یابدیره رق،
 حروفک تکثیر انواعی ایچون برچوق نقود احسان الیشدر.
 مخدومی و خلای اولان سکرنجی شارل دخی پدری کبی اصحاب
 طباعتی تحت حایه سنه آلهرق، فن طبعک ترقیسنی موجب اوله جق برچوق
 تشویقاتده بوانمش وحتی فرانسه دارالمعارفی دائره سنده اووقته کوره
 فوق الغایه مکمل بر مطبعه تأسیس یله برابر برده کتب ممثله یه مخصوص انبار
 بنا ایتدیرمشدر.

اون ایکنجی لوی سراینده بر مطبعه یابدیره رق، بالذات مرتبک
 تحصیل ایتش واکثر اوقاتده مطبعه سنده بولنه رق، پک چوق زمان اوکله
 طعامنده شریک صنعتی اولان مرتباری سفره سنه قبول ایله آنلرله برلکده
 طعام ایدر مش.

حتی « طباعت کبی واسطه انتشار معرفت اولان بر صنعت جلیله نیک
 رواج بولدیغی بردورده عالم وجوده کایشیم بختبار لغمک الک اولکی دلیلی در.»
 قولله معارف بورلکنی اعلان الیش؛ و مطبعه جیلاری ویرکودن و تکالیف
 سائره دولندن استقامت ایشدر.

طاعون

حقانده معلومات طبییه و تاریخیه

لسانمزده یمورجق دیدیکمز طاعون که (وبا) ایله دخی مسمادر؛
 فوق الغایه مدھش و ساری در.

علت مذکوره تماس و هوا ایله دخی سرایت ایلدیکندن، بر طرفده
 ظهور ایلدیکی حالده بر چوق آدمک آکا گرفتار و بناء علیه متعازم دار.
 القرار اوله لوی مختم در.

وبا اکثریا قاصیقار ایله قولتق آلتارنده ایریجه قبارجق حالنده باش
 کوستر دیکندن، لسان عثمانیده یمورجق اطلاق مسمانی حقیقه تعریف ایدر.

طاعونك فن طب نظرنده اولان ماهیاتی اوزون اوزادی تعریفدن
 صرف نظرله یالکز اون دردنجی عصرده اوروپاده ظهور ایدن و یکرمی
بش میلیون نفوس بشری عدم آباد فنیاه سوق ایله وعصر مذکور
 حکماستی - نوع بشرک انقطاع عروقی موجب اوله جق دیه - خوف
 و خلیجانه دوشورن و بای مدهشدن برنبذه معلومات و یرمک ایسترن .
 عجبا شوغضب آسمانینک سبب ومنشائی حقنده اوروپا لیلر برکونه
 تأویل واسنادده بولنشلر میدرن؟ یوقسه علت مجحوث عنها کندی کندی می
 کلشدر .

اوت ! سبب ومنشائی واردر .

مشهور لیتزه که آنجق یکرمی مؤلفک وجوده کتیره یله جکی درجه -
 زده تألیفات کثیره و باخصوص لغتی ایله متعارفدر؛ تألیفاتندن برنده دیور که :
 « ۱۳۴۸ سنه میلادی سنده اسویچرده بولنان یهودیلر حقنده
 خرسیتیانلر طرفندن قتل عام فرمانی صادر اوله رق، اجرا آتته مباشرت
 اولمشیدی .

« بوقتل عامه سبب، کویا جزیره العرب و قدس طرفلرندن اسپانیایه
 یکن مسویلرک عموماً اوروپا خرسیتیانلرینی زهرلک اوزره اوتاریخده او -
 روپانک اکثر بلادنده متوطن اولان سائر هم جملریله مخبره ایتدکلری
 و بو تصمیملرینی بغته موقع فعله کتیره رک اورپاده برنقر عیسوی بر اقامغه
 عهد و سو کند ایلدکلری روایتی رهبان کروهی طرفندن ساده الان
 اهالی به نشر و اشاعه ایلش ایدی . بو حوادث شایع اولور اولمز عظمای
 بنی اسرائیلی در حال توقیف ایله اسکیزنسیونک مخصوصاتندن اولان
 اشکنجه لره تعسبیه مبادرت ایلدیلر؛ اشکنجه ده اول قدر ظالمانه طاورا -
 ندیلر که بیچاره مظلوملر شاید نتیجه عذاب اولان حکم اعدامه مظهریته
 شوبلادن قورتلیرلر زعمیه خاطر و خیاللرنده اولمدیغی حالده پاپاسلر طر -
 قندن اختراع و کندیلرینه اسناد اولنان اتقاقی اقرار ایده رک، طلب عفو
 ایلدیلر . ذاتاً پاپاسلرکده اذا و اشکنجه ده افراطدن مقصدلری هول جان

ایله مظلوملره عزویات واقعه‌نی قبول و اقرار ایتدیرمک و کویا عالم خفاده جریان ایدن شو اتفاقه اطلاعیرینک صحتنی ینسه جهله عوامک تصدیقله بیچاره‌لی حقنده ویریلان قتل عام اعلامنک اجرا آتته مباشرت ایتلک ایدی .
 بناء علیه اقرار نهمت اوزرینه اسویچرده بولنان یهودیلری عموماً حاورا .
 زینه قپایوب نسوان و صبیایله برابر دیری دیری آتش ظلم ایچنده یاقدیلر .
 آلمانینک (مایانس) شهرنده بولنان یهودیلر خرسیتیانلرک تصمیهاتنه قارشی بر مدت مقاومتده ثبات ایلدیلر ایسدهده پاپاسلرک تشویق و اغراسیله علم افراز اولان لهیب نار تعصبه قارشی مدافعه حیات مستحیل اولدیغندن ،
 صاقبه الامر او بیچاره‌لیده خانه‌لرینه قپایوب ، و محله‌لرینی قوردون آتته آلوب یاقدیلر .

ایشته او عصرک عیسویلری بر فکر انتقام ایله وقوعه کتیردکلری شو فاجعه‌دن طولانی تاریخ صحیفه‌لرنده کندیلری حقنده الی قیام الساعه لعن و طعنه سزا بر یادکار بر افشاردر .
 نته کیم (پیتر ارمیت) نافنده‌کی بر پاپاسلک تشویق و اغراسیله ،
 او تاریخدن براز اولده اهل اسلامی کره ارضده محو و نابود ایتلک اوزره بر اهل صلیب وجوده کلش و فقط قارشیلرینه (صلاح الدین) کپی بر آهندست عسکر چیققدرق هر بری بر لطمدده حفره خاک هلاکه دورلمش یعنی پیتر ارمیت جنابلرینک نتیجه اقدام تعصبکارانه‌سی ابنای جنسندن بر قاج یوز یک نفوسک تلفندن و بوسبيله اسلام ایله خرسیتیانلر بیننده بر بر عداوات متقابله حصوله کلکلیکندن عبارت قالمش ایدی .

« خلاصه کلام اوروپاده بولنان یهودیلر هر نه طرفه النجا ایتدیلر ایسه مظلوم و تعذباتک اشدیدیله دوچار نکال اولدیلر .

« بالکن لهستان قرالی (یوک قازمیر) کدائرة حکومتنه جان آتالر قورتلشیر ایدی . بوکا سبب ایسه قازمیرک انصافی اولیوب ، محبوبه‌سی اولان (استر) نافنده‌کی یهودی قیرینک رجا و استرحامی ایدی .
 « ایشته عوم اوروپا خرسیتیانلرینک یهودیلر حقنده روا کوردکلری

شو ظلم سیاهك انتقامی بر شدید و صالغین وبا ایله آلتدی؛ زیرا بونجه
مظلومینك بقایای عظام رمیندن حاصل اولان تصعدات جیادت هوایی
اخلال و هوای نسیمی بی نسیم ایلدیکندن بویله برداهیك و قوعی طبیعی
ایلدی .

بو وبا اول قدر شدتلی باشلادی که مبتلایینك کیمده غشیان، اسهال،
قاضیقارله، قولتقارده یمرول، کوبك اوزرنده سیاه لکهل، کورهك
کیکلرینك آره سنده شیر پنجهل، قاره قبارجقار، صکره بونلرک تشنجاری
ظهوره کلیردی . نفسلری غایت کریه قوقار، و فضلاتك ظهورنده
تعفته نحل قابل اوله مز ایدى .

طوتیلانلردن اون ایکی کون دن زیاده یشایانلری کورولمیب، اکثریا
یلدیزم اورمش کپی بالاده کی علائمن بری ظهور ایدر ایقز مطعون
درحال دوریلیردی .

حکمدان موسیسیك بو بابده یازدیغی کتابك شو صحیفه سی شایان
مطالعه در :

« مطعون تنها بر او طه ده آه و این ایله اولوردی . نه بر دوستی،
نه بر قریبی، نه پدری و احاصل شفقت مجسمه اولان والده سی بیله مطعونك
یانه کتمز ایدى . نه بر طیب تداوی، و نه بر راهب تسلیم ایدردی .
پاپاسلر ك صکره کی وظیفه دینیه بی ایفایه جسارت ایده مزل ایدى .
بجاره اطفال یاندقاری فراش مونده صیحه زهره شکاف ایله والده بی
یهوده چاغرزل ایدى . یاخود آنال اولادینی کورمك اوزره یهوده طلب
و تمنی ده بولوردی .

زوج زوجیه و زوجیه زوجی امداد و استعانه ایچون چاغردیغی
حالده بو ندای دعوت مدعوك فرارینی موجب اولوردی . هیچ بر فرد
آفریدهك فریاد و فغاننه احواله صماخ ایدلر، و هر کس کندی نفسی دوشنور
ایدى . صحرال وبا قاجقناریله طولش؛ و بو قاجقنلردن طاعونه طوتیلوبده
اولنلرک نعللری بوللرده بربری اوزرینه بیغش ایدى .

« و الخاصل مطعونان الی مدھش بر حاله اولورلی ایدی .
 جنازه لری پایاسسز کوتوریلیردی . اولر واردی که ساکنلری بر کونده
 بر ضربه طاعون ایله زیر وزیر اوله رق ، قیالی قالمش ؛ ودها طوقریسی
 مسکنلکدن مزارغه تحول ایلش ایدی .

« و با کتدیکجه شدنی آرئیر ایدی ؛ چونکه کتدیکجه تنفس ایدیلان
 هوا کسب عفونت ایلردی . زیرا بر چوق نعلار میدانده یاتیر و کیمسه
 دفنه جسارتیاب اوله مز ایدی . آئردن صعود ایدن تعفن هوایی افساد
 ایلردی .

« بو ائاده افکار عامه اول رتبه بولانمش ؛ و قلوب عامه یه اول قدر
 خوف و دهشت استیلا ایلش ایدی که هر فرد وفاتک ساعت و دقیقه سنی
 بکمر والک عزیز و محترم اولان اقربا و اولادینی یله دوشنه مز ایدی . »

ملفوظات تاریخیه

امام حسن حضرت نرندن صکره (حسن) امنده کلان ایلاک خلیفه
 مستضی بالله ابو محمد حسن در که خلغای عباسیه نک اوتوز اوچنجیسی اولوب ،
 ۵۶۶ سنه هجریه سنده جلوس ایتشد .

۵۱۶ ده کعبه مکرمده بر حرکت ارض وقوع بولهرق ، (رکن بمانی)
 زده لئمش ؛ و بعض مواضعی دخی بیقاشدر .

وزرای عباسیه دن ابن الزیات غایت مودی و ظلوم بر آدم اولوب ،
 برطاندر (تنور) یاپدیرمش ایدی که طیشاریسندن اکسرلی بیخلمش
 و اوچلری طاندرک ایچ طرفنه کچمش ایدی . مالی چیقارتمق ایسته دیکی
 آدم لری او طاندره القا ایدهرک بر طرفدن حرارتک شدتیه حرکت ایتدیکجه
 وجودی سیوری اکسرله صاپلانهرق ، اشتداد اذا والمنی موجب اولور